

Headline	Yayasan Eco World sumbang mesin dialisis
MediaTitle	Berita Harian (Sabah)
Date	11 Dec 2016
Language	Malay
Section	News
Color	Full Color
Page No	13



# Yayasan Eco World sumbang mesin dialisis


**Kuala Lumpur:** Yayasan Eco World menyumbang sebuah mesin haemodialisis kepada pusat dialisis MAA Medicare di Jalan Sungai Besi, bagi membantu pesakit buah pinggang kurang berkemampuan.

Mesin bernilai RM42,000 berkenaan bagi menggantikan kemudahan lama di pusat kendalian pertubuhan bukan kerajaan (NGO) itu yang ditubuhkan pada 1995.

Pengerusi Yayasan Eco World, Tan Sri Lee Lam Thye, berkata ini kali pertama yayasan berkenaan menghulurkan bantuan kepada MAA Medicare dan akan meneruskan sumbangan sedemikian untuk pusat dialisis yang memerlukan bantuan.

Yang turut hadir, Ketua Pegawai Eksekutif MAA Medicare, Datuk Aliyah Karen dan Ketua Pegawai Eksekutif Yayasan Eco World, Kapten (B) Datuk Liew Siong Sing.

Lam Thye berkata, jumlah pesakit buah pinggang kronik di negara ini semakin meningkat setiap tahun dan bergantung kepada rawatan dialisis sepanjang hayat atau pemindahan organ untuk meneruskan kehidupan.



**Lam Thye (dua dari kanan) bersama Siong Sing (kanan) dan Aliyah selepas majlis penyerahan mesin haemodialisis kepada pusat dialisis MAA Medicare, di Kuala Lumpur.**